

Broj: 04-14-841-2/17
Goražde, 16.06.2017. godine

Na osnovu Odluke Vlade Bosansko-podrinjskog kantona Goražde o usvajanju Programa utroška sredstava „Program ruralnog razvoja za 2017. godinu“, broj: 03-14-905/17 od 08.06.2017. godine, utvrđen u Budžetu Ministarstva za privredu na ekonomskom kodu 614 300-TEK002-Tekući transferi neprofitnim organizacijama – ruralni razvoj za 2017. godinu, Ministarstvo za privredu Bosansko-podrinjskog kantona Goražde, **o b j a v l j u j e**:

**JAVNI POZIV
za podnošenje aplikacija za korištenje sredstava po
Programu ruralnog razvoja za 2017. godinu**

Pozivaju se neprofitne organizacije i jedinice lokalne samouprave koje se bave aktivnostima ruralnog razvoja na području Bosansko-podrinjskog kantona Goražde da mogu podnijeti prijedloge projekata u skladu sa odredbama Programa ruralnog razvoja za 2017. godinu, Ministarstvu za privredu Bosansko-podrinjskog kantona Goražde za slijedeće ciljeve:

- Podsticanje konkurentnosti ruralnog područja na Bosansko-podrinjskom kantonu Goražde,
- Zaštita okoline u ruralnim područjima na Bosansko-podrinjskom kantonu Goražde.

Opšti uslovi za učestvovanje aplikanta u Programu su:

- Da su upisani u registar poljoprivrednih gazdinstava, odnosno registar klijanata u skladu sa Zakonom o poljoprivredi,
- Da imaju proizvodnju na području Bosansko-podrinjskog kantona Goražde ili da krajnji korisnici projekta imaju poljoprivrednu proizvodnju na području Bosansko-podrinjskog kantona Goražde,
- Da imaju status jedinice lokalne samouprave na području Bosansko-podrinjskog kantona Goražde ili da su registrovane na području Bosansko-podrinjskog kantona Goražde kao neprofitne organizacije,

Posebni uslovi za učestvovanje aplikanta u Programu su:

- Da su namjenski utrošili sredstva odobrena od strane Vlade Bosansko-podrinjskog kantona Goražde u periodu od protekle tri godine, ukoliko im je takva pomoć dodjeljena,
- Da su ispunili ugovorene obaveze po odobrenim grantovima Vlade Bosansko-podrinjskog kantona Goražde, ukoliko su ih dobili u zadnje tri budžetske godine,
- Da nisu koristili novčana sredstva za iste ili slične namjene u periodu od protekle tri godine iz sredstava ovog programa,
- Da nemaju neizmirenih obaveza za poreze i doprinose osim obaveza koje su obuhvaćene ugovorom o reprogramiranju obaveza (izuzimajući indirektno poreze),
- **Korisnici koji nisu ispoštovali ugovorene obaveze (nisu namjenski utrošili doznačena sredstva, nisu dostavili izvještaje o namjenskom utrošku sredstava u skladu sa potpisanim Ugovorom) ne mogu aplicirati po ovom programu u naredne tri godine, kao i odgovorno lice iz tog pravnog subjekta u bilo kojem drugom pravnom subjektu.**

Aplikant može dostaviti maksimalno dva prijedloga projekta u okviru prvog posebnog cilja programa iz komponente investicije u poljoprivredna gazdinstva, dok za ostale komponente ciljeva programa mogu dostaviti samo jedan prijedlog projekta.

Podrška će se obezbijediti za slijedeće vrste aktivnosti koje mogu biti predložene za finansiranje i sufinansiranje u okviru prvog cilja ovog programa:

- a) Investicije u poljoprivredna gazdinstva:
 - Nabavka opreme za preradu voća i povrća,

- Aktivnosti koje doprinose povećanju učešća na tržištu kroz orijentaciju na proizvodnju, preradu i prodaju tradicionalnih proizvoda,
- Rekonstrukcija štalskih objekata.

b) Ruralna infrastruktura:

- Sanacija nekategorisanih puteva i mostova koji povezuju naseljena mjesta, dijelove naseljenog mjesta u ruralnim područjima, te pristupnih puteva do poljoprivrednih površina i gazdinstava, ne uključujući asfaltiranje,
- Asfaltiranje nekategorisanih puteva koji povezuju naseljena mjesta u ruralnim područjima, pristupne puteve farmama i sl;

Podrška će se obezbijediti za slijedeće vrste aktivnosti koje mogu biti predložene za finansiranje i sufinansiranje u okviru drugog cilja ovog programa:

- Aktivnosti koje doprinose očuvanju autohtonih životinjskih i biljnih vrsta.

Prijedloge projekata aplikanti mogu dostaviti Ministarstvu za privredu Bosansko-podrinjskog kantona Goražde do 03.07.2017.godine do 16.00. sati sa slijedećom dokumentacijom:

- Aplikaciona forma projekta (objavljena na Web stranici Vlade BPK),
- Potvrda o upisu u Registar poljoprivrednih gazdinstava i klijenata,
- Dokaz o registraciji pravnog subjekta na području Bosansko-podrinjskog kantona Goražde od nadležnog organa,
- Potvrda od banke o otvorenom žiro računu aplikanta,
- Uvjerenje da nemaju neizmirenih obaveza za poreze i doprinose (izuzimajući indirektno poreze) osim obaveza koje su obuhvaćene ugovorom o reprogramiranju obaveza.

Prijedlozi projekata dostavljaju se na slijedeću adresu:

**Ministarstvo za privredu
Bosansko – podrinjski kanton Goražde
ul. Maršala Tita br. 13
Goražde**

Sa naznakom:

**«NE OTVARAJ –PRIJAVA NA JAVNI POZIV ZA
KORIŠTENJE SREDSTAVA PO PROGRAMU RURALNOG RAZVOJA
ZA 2017. GODINU»**

Detaljne informacije za podnošenje projekata po Programu ruralnog razvoja za 2017. godinu mogu se dobiti u Ministarstvu za privredu Bosansko-podrinjskog kantona Goražde (Sektor za poljoprivredu), kao i na telefon broj: 227-857.

MINISTAR

Anes Salman